

اسلام مجبوری

مدیری: حلیم ثابت

صافی ۴

۲۸ ربیع الآخر ۱۳۳۲

۱۳ مارٹ ۱۳۳۰

پیل ۱

بحثلر آنجق دینک عمومی ماهیته و دیگر ماهیتلره اولان متاسبتی تعیین ایدن موقعه عائد بولونه جق واصل دینک داخلنده بولونان معجزه ، عبادت ، حق و حقیقته وصول مسئلهلری صدوددن خارج قاله جقدر . مع مافیة الکنز بوقدرلق بمطالعہلر بیاه کیفیتی قطعاً حل ایتک دکل ، بویولده ناچیزانه برچیغیر آچهرق مسئلهنک فصله خدمت ایتک املنه معطوفدر .

راغب خلیصی

اسلام انجلی

مسلمانانق عالمده انتباه اماره لری

— ۲ —

اولکی مقاله مک نهایتلرنده بوکونکی سقوطک اسبابی آراشدیرمق ته قدر لازمیه ، اولکی اعتیلاک شهرهانی بولمغه چالیشمقده او درجه الزمدر ، دیمشدم . حقیقتاً بن بوکا قائم . فقط بوقناعت خصوصنده بن ، جمال الدین افغانی حضرتلرینک شا کردی یم . چونکه بو حقیقتی ابتدا او آکلامشیدی . مرحوم استاذ بو مسئلهنک علمی بر صورتده تدقیقی ایچون اسلام عالمی باشند باشه دولاشدی ، اسلام عالمک هر گوشه نه بوجاغنه صوقولدی ، کیردی ؛ اسلام عالمک هر طرفنده کاشانهلریرنده خرابه لر کوردی . افول ایتش سعادتلره مقابل فلاکتلره قارشولاشدی : سمرقند مدرسه لری قاپانمش ، بخارا درس خانه لرنده اورومجکلر آغ کرمش ، مراغه رصدخانه سی ییقلمش ، غزنه جامعی خراب اولمش ، هند مسلمانلری اسارتیه دوشمش ، ایران باشند باشه کابوس جهالتیه قاپانمش ، ملک شاه مدرسه لرینک تمللری غائب اولمش ، ازهرک شعشعه سی افواه یوز طومش ، فاس ، انقراضه سوروکله یین بر آتارشییه محکوم اولمش ، آفریقاده اسلامیت صلیک ربقة اسارتیه کیرمش دی .

افغانستان ده ، تورکستانده ، هندستانده ، چین ده ، جاوا و فیلیپین ده ،
آفریقا ده علم یرینه جهالت ، نور بدل ظلمت حکم سوریوردی . هر آیدیم ده
بیک تورلو فحیح لوحه لر کوریاوردی !...

جمال الدین یو حالک اسبابی آراشدیردی و بولدی : مسلمانلر ، اسلامینی
غائب ایتمش ، دین نامه خرافاتک اسیری اولملاردی .

تورک داهینسی ابن سینا ، حکمت اسلامیه اساسلرینی قوردینی کبی اونک
عرقه منسوب اولان جمال الدین ده ، دور سعادتده کی اسلامینی احیایه قالدیشدی .
قوجه داهی ، عالم اسلامه صاحیلاجق تور ائتیاھک مرکز خلافتدن باشقه بر
پردن انشعاع ایدمه یه جگنه قانع اولمشدی . بو قاعته سده خلافت قوشدی .

آفاق اسلامی قایلایان خرافه سحابه لرینی طاعتیه جق ، دین حقیقی نی بوتون
شعشعہ سیاه میدانه چقاراجق نورلی دماغلری استانبولده بولمیه جگنی ظن
ایدیوردی . بونلرله برلشهرک ، عرش خلافتدن عالم اسلامک فلاکت یاغديران
آفاقه بر تور حیات ایتار ایدمه یه جگنی امید ایدیوردی .

استانبولده کلدی . فقط ، مع التأسف ؛ اومدیغنی بولمه مدی . بالعکس تحقیر ،
تریفه ، حتی تکذیبه معروض قالدی . دین دن بی خبر قاره جاهلر ، ابوجهلک
پیغمبری تحقیر پلشمه سی ، شیطانک آدمی تریفه قالدیشمه سی کبی ، عالم اسلامک
بو بویوک داهینسنی تکفیر ایتک جسارتی کوستردیلر .

دینک بلند اساسلرینه بیگانه اولان بو بدبختلر ، جمال الدینک دهای عرفاتی
تقدیر ایدمه مش ، روحنی اینکله تن درداری طویمه مش ، حس ایدمه یه جک
سویه یه یوکلمه ملاردی .

جمال الدین ، مرکز خلافتده ؛ دردینی آکلاته جق ، فکرنی کشف ایدمه جک
بر فرد بولمه مشدی . علمسز ، ادراکسز بر سوری مخلوقات کورمشدی .
غزالیلرک ، ابن کالارک ، متلا خسرو لارک مقاملرینی غصب ایدن عالم قیاقلی جاهلر ،
خلقه ، خرافاتی دین ، مسکنتی حالات ایمان ، ذات وسفالتی ده ایجابات (قدر)
دیه تلقین ایدیوردیلر !...

جمال الدین بو حال مواجهه سنده تیرمه دی ، کورپوردی . چونکه بساهه دیکی

طاعتی امیدار ، اساسندن ییقلهشدی . مرکز خلافت یو حالده اوانجه ، عالم اسلام ایچون خلاص امیدى بسلامك محالى طلب ایتک دیمکدی !...

اسلامیتک انقراضه ، مسلمانلرکده عمومیتله اسارتهمحکوم اولملری فاجعه سی ، بوتون دهشتیه قوجه داهینک کوزی اوکنده تمثیل ایتمشدی . جمال الدین ، یهوده یره چیرپیندی طوردی : علمایه باش اوردی ؛ وزیرایه تهلهکنی آکلاندی ؛ خلیفه نك حضورینه قدر چیقدی . فقط ، هیات !.. شرزمه جهله جمال الدینی استرقاب ایتمشلردی : زمانک شیخ الاسلامی مقامی غائب ایتک وسوسه سینه دوشدی ، آنتریقهلر باشلادی . نهایت ، یکانه املی اسلامیتی اعلا ، مسلمانلری ایقاعدن عبارت اولان جمال الدین ، استانبولی ترکه مجبور قالدی !..

جمال الدین ، مرآته نائل اولمهدن ، مسلمانلرک صوک زمانلرده کی فلاکتلری کورمه دن اللهه قاووشدی . فقط ، قورقدینی تهلهکلهک قسماً ظهوریه برابر اکدیکی تخملمده فیلزلفمهک باشلامشدی : سیلرکی آقان مسلمان قانلری زمین انتباهی متصل صولیوردی . فکرلره بر انتباه ، روحلره بر تهفه ، قوللره بر قدرت کلدی . خرافاتی کوره جک ، خرافه پرستلری صوصدیره جق ، دین حقیقی نی میدانه چیقارمق لزومنی ادراک ایدم جک نورلی دماغلر یتشدی . یو عالملر آره سنده مصر مفتیسی شیخ محمد عبده مرحوم ایلک صفده بولنیوردی !..

فلاکتلر توالی ایتدکجه انتباه اثرلری ده درینه شیوردی . بالقان فجیهلری ، طرابلس فلاکتلری قطعاً اثبات ایتدی که مسلمانلرده قطعی و حقیقی برانقلاب یاییلمدکجه ، مسلمانلر یاشایه مه جقلردر .

دین نامه اورتایه آتیلان خرافهلر ، مسلمانلری ازدکجه ، اولنلر ایچون حق حیات یوقدر ، حق بقا مفقوددر . چونکه خرافات یاشاتماز تولدیریر . یو ادعایی تأیید ایچون چین ده ، هند ده ، آفریقاده ، آوروپاده جان چکیشهن مسلمانلرک ، یوره کلری پارچالایان پریشان حاللری تصویره ؛ بيلم که لزوم وارمی در ؟ ..

نهوت ، مسلمانلر ایچون دینی بر انقلابه احتیاج قطعی واردر . فقط یو انقلاب ؛ برقم سیوری قفالیرک ظن ایتدیکی کی ؛ هرکسک کیفه کوره

امور دینیه ده تصرف ایتمه سی ، یکی بر دین ایجادینه قالمشه سی دیمک دکلدر .
 بو انقلاب ، خرافاتدن حقیقه قوشمق ، حقایق دینه آراسدن یوصونلی قفالرک
 تخیلات رسوبلرینی آیقلامق ، دور سعادتده کی مسلمانلغه عودت ایتمک ،
 اصحاب کرامک کتدیکی یوله کیشمک دیمکدر ...!

چونکه بو کونک مسلمانلری ، دین احمدینک اساسلرینی اونوتمش ، دین
 نامه دور اساطیرک خرافه لرینه سازلش اولدوقلرند شهبه یوقدر . بو کی
 خرافه لری برر پرر آیقلامق ، اساسلرقلرینی میدانه چیقارمق ، دین حقیقینک
 علوی اساسلرینی آخا ایتمک ، مسلمانلره قیاض پر شاهراه تعالی آحق قطعاً
 لازمدر .

اسلامک معروض قالدیغی مدهش فلاکتلر طولانیسه بزه وبوتون اسلام
 عالمده یویولده بر جریان آجیاش اولدیغی کورمکه نه قدر طاعتی امیدله
 دوشورز . فقط ، بوجریان معقول برطرزده اداره ایتمک ایجاب ایتدیکنی ده
 اونوتمورز .

صوک فلاکتلرک بزه تلقین ایتدیکی آجی درسلدن بری ده دینسر برملک
 رابطه سر بر قوم بیغیتدن فرقلی اولمه جغتی اثبات ایتش اولسی دکلدر ؟ .
 رابطه دینه دن محروم اولان بر هیئت اجتماعی ، مدهش صدمه لره قارشى مقاومت
 کوستردیلیمک صلابتنی هیچ بر وقت حائز اوله مز . بر دتیره ظهور ایدن بر
 صرصر فلاکت او هیئتک اجزا وافرادی بر آنده تارمار ایدر .

عصرلردنبری دین حسیله تربیه ایدلش ، دینی سائقلره یورومش اولان
 کتله ده ، بو رابطه یه لزومی قدر اهمیت ویرلر ، بالعکس اهالی التزام ایدیلیرسه ؛
 طبعی درکه ، اجزاسنی ربط ایدن قوتک انحلالیه بر جسم نصل طاغیلیرسه ،
 او کتله ده بر صدمه ایله اوله جه تارمار اولور . حالوکه حسیات دینه سی یو-
 ضونلا تمه مش اولان قوملر ، خارجی عیوملر اوکنده آهنین ویکپاره برقلعه کی
 مقاومت کوستریرلر . سنوسیلر ، آفریقا چوللرینه جهنملر یاغدیران دشمن
 طوبلرینه قارشى ، اک متین زرهلردن داها قوی بر ایمانله حالا مقاومت
 کوسترمیورلرمی ؟ ...

بر ملت ایچون نوره ، عرفانه ، فضیله سائق بر دین نه قدر لازم ایسه
خرافاته ، جهالت ، سفالت سور و کله یں بر عقیده ده او قدر مضر در . اقوام
ماضیه نك خرافه لر به قاریشان بوکونکی مسلمانلغك منتسبلرینی نه درکه لره
سور و کله یکنی کوزوب طور ییورز .

دور رسالتناهی ایله متعاقب عصر لرده اسلام لر ی شان دن شانه ، ظلمت دن
نوره ، جهالت دن اوج عرفانه اعلا ایدن حقیقی مسلمانلغك آثار مخدوم سی ایچون ده
تاریخك عظمتلی صحیفه لرینه مراجعت ایده بیلیرز !

اسلامیتی عصر سعادتده کی ساده لکنه ارجاع ایتدیکجه مسلمانلر ایچون ترقی
قاپولرینك آچیلمه سی ممکن دکدر . بو خصوص ایچون نشر ایدیله جك ایلک
حزمه نور ، مرکز خلافت دن انشعاع ایتلیدر . عالم اسلام بویوک بر صبر سزلقله
بوتورک شعله نثار اوله سنه انتظار ایدیور . چونکه بو نور نشر ایدلدیکجه ،
مسلمانلرک یاشایه بیلمه لر ی امکان خارجنده در . اسلامیتك صافیت اوله سنه
رجوع ایتك لزومی مسلمانلق دنیا سنك هر طرفده پك درین بر صورتده
حسن ایدلکده در .

هر طرف دن طوفیلان آوازه انتباه ، نور و عرفان احتیاجك نه قدر شمولی
اولدیغی پك کوزل کوستریورز .

بو خیرلی و امید بخش اماره لردن استفاده ایده بیلیمك مهارتی کوسترمك ده
مرکز خلافتك بویوک متفکر لرینه عائد مقدس و مبرم بر وظیفه در .

ایزمیر م . شمس الدین

اسلام قاری

« مراجعت ایدیورم » مقاله سی مناسبتیه سؤال

محترم اسلام مجموعه سنك ایکنجی صایسنده « مراجعت ایدیورم » سرلوحه لی بر مقاله
واردی . بومقاله یی دقتله مطالعه ایشدم ، بکندم . اوت ، خام افندیك یازدقلری هپ
دوغرو . صاقالم تجارت عالنده بیاضلندی . آنکچون خام افندیك نه لردیمك ایسته دیکنی